



Broj: 10/E-11-5428/24-2  
Sarajevo, 31-10-2024 godine

Na osnovu člana 68. stav 4. tačka j) i člana 70. stav 1. Zakona o javnim nabavkama Bosne i Hercegovine ("Službeni glasnik BiH", broj: 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», broj: 23/04), a na prijedlog Komisije za nabavku roba, usluga i radova I, imenovane rješenjem Općinskog načelnika broj: 10-45-236/24 od 25.03.2024.godine u postupku javne nabavke za: **Nabavka usluga ISP-a (LOT 1,2,3)** provedenog putem otvorenog postupka, (Zapisnik o pregledu i ocjeni ponuda broj: 10/E-11-5428/24-2 od 25.10.2024. godine), Opštinski načelnik donosi:

### **ODLUKU** **o poništenju postupka javne nabavke**

**I** Poništava se postupak javne **nabavke usluga ISP-a – LOT 2**, putem otvorenog postupka, Obavještenje o nabavci broj: 848-1-2-108-3-171/24 od 20.09.2024. godine i Ispravka za Obavještenje o nabavci broj: 848-1-2-108-8-182/24 od 01.10.2024.godine, iz razloga što se ponude ponuđača BH TELECOM d.d. Sarajevo i LOGOSOFT d.o.o. Sarajevo ne mogu prihvatiti za predmetnu uslugu, jer su dostavili identične cijene.

Ponuda ponuđača SOFTNET d.o.o. Sarajevo ne ispunjava uslove tenderske dokumentacije, tj. tačkom „3.7. tenderske dokumentacije je propisano da: „Ponuđači mogu dostaviti ponude za više LOT-ova, na način da isti ponuđač ili grupa ponuđača može dostaviti ponude istovremeno za LOT 1, LOT 2 i LOT 3. Ponuđač ili grupa ponuđača čija ponuda bude izabrana kao najpovoljnija za LOT 1 i LOT 2, može biti izabran samo za jedan LOT.

Kako je ponuđač SOFTNET d.o.o. Sarajevo odabran za LOT 1- primarni ISP, navedeni ponuđač nije mogao biti izabran i za LOT 2.

**II** Ova odluka stupa na snagu danom donošenja i dostavlja se ponuđačima koji su učestvovali u postupku javne nabavke u roku od 7 (sedam) dana, shodno članu 71. Zakona.

**III** Odluka će se objaviti na web stranici Općine Centar Sarajevo ([www.centar.ba](http://www.centar.ba)) u skladu sa članom 70. stav (6) Zakona o javnim nabavkama.

### **Obrazloženje**

Postupak za nabavku usluga ISP-a, LOT 2-sekundarni ISP, pokrenut je Odlukom Opštinskog načelnika o pokretanju postupka broj: 10/E-11-5428/24 od 30.08.2024. godine, Obavještenje o nabavci broj: 848-1-2-108-3-171/24 od 20.09.2024. godine i Ispravka za Obavještenje o nabavci broj 848-1-2-108-8-182/24 od 01.10.2024.godine. Procijenjena vrijednost javne nabavke za LOT 2 bez PDV-a iznosi 11.000,00 KM.

U određenom roku za predaju ponuda – 24.10.2024. godine do 10,00 sati – dostavljene su 3 (tri) ponude, kako slijedi:

<b>RB</b>	<b>PONUĐAČ (naziv i sjedište)</b>
1.	BH TELECOM d.d. Sarajevo, ulica Zmaja od Bosne broj 88, 71000 Sarajevo
2.	LOGOSOFT d.o.o. Sarajevo, ulica Grbavička broj 4, 71000 Sarajevo
3.	SOFTNET d.o.o. Sarajevo, Fra Anđela Zvizdovića broj 1, 71000 Sarajevo

U skladu sa članom 63. Zakona o javnim nabavkama (u daljem tekstu: Zakon), Komisija je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitane su cijene ponuda, kako slijedi:

RB	PONUĐAČ	Ukupna cijena bez PDV-a	Popust	Ukupna cijena sa popustom bez PDV-a
1.	BH TELECOM d.d. Sarajevo	10.980,00	-	10.980,00
2.	LOGOSOFT d.o.o. Sarajevo	10.980,00	-	10.980,00
3.	SOFTNET d.o.o. Sarajevo	10.044,00	-	10.044,00

Nakon izvršenog otvaranja ponuda, Komisija je dana 25.10.2024.godine pristupila detaljnoj analizi dokumentacije priložene uz ponude u smislu provjere njenih validnosti, obzirom na iskazane zahtjeve ugovornog organa u tenderskoj dokumentaciji, procedurama utvrđenim tenderskom dokumentacijom i u skladu sa Zakonom, odnosno pripadajućim podzakonskim aktima te izvršila detaljnu provjeru pristiglih ponuda te konstatovala da ponude ispunjavaju uslove tražene tenderskom dokumentacijom i da nema računskih grešaka, te da su ponude **prihvatljive**.

**Rangiranje prihvatljive ponude prema kriteriju za izbor ponude „najniža cijena“, u skladu sa članom 64. stav 1. tačka b):**

Rang	PONUĐAČ	Ukupna cijena bez PDV-a	Popust	Ukupna cijena sa popustom bez PDV-a
1.	SOFTNET d.o.o. Sarajevo	10.044,00	-	10.044,00
2.	BH TELECOM d.d. Sarajevo	10.980,00	-	10.980,00
	LOGOSOFT d.o.o. Sarajevo	10.980,00	-	10.980,00

Komisija je u daljem radu donijela jednoglasnu odluku da se Opštinskom načelniku dostavi

#### **PREPORUKA O PONIŠTENJU**

Naime, ugovorni organ je u tenderskoj dokumentaciji jasno i decidno propisao: **tačka „3.7. „Ponuđači mogu dostaviti ponude za više LOT-ova, na način da isti ponuđač ili grupa ponuđača može dostaviti ponude istovremeno za LOT 1, LOT 2 i LOT 3. Ponuđač ili grupa ponuđača čija ponuda bude izabrana kao najpovoljnija za LOT 1 i LOT 2, može biti izabran samo za jedan LOT.**

Ponuđač **SOFTNET d.o.o. Sarajevo** je predao ponudu za LOT 1-primarni ISP, te na istom odabran kao najpovoljniji ponuđač. Takođe, ponudu je predao i za LOT 2-sekundarni ISP, na kojem je također prvorangirani.

U skladu sa gore navedenim, a pozivajući se na tačku 3.7. tenderske dokumentacije, navedeni ponuđač nije mogao biti izabran i za LOT 2.

**Ponude druga dva ponuđača ( BH TELECOM d.d Sarajevo i LOGOSOFT d.o.o. Sarajevo) su za LOT 2-sekundarni ISP - podnijeli ponude sa identičnom cijenom (10.980,00 KM).**

**Uzevši u obzir da je za predmetnu nabavku kriterij za dodjelu okvirnog sporazuma definisana „najniža cijena“, a kako su ponuđači BH TELECOM d.d. Sarajevo i LOGOSOFT d.o.o. Sarajevo, dostavili identične cijene ponude, Komisija I nije mogla izvršiti izbor najpovoljnijeg ponuđača.**

Iz navedenih razloga, primjenom člana 68. stav 4. tačka j) Zakona o javnim nabavkama („Službeni glasnik BiH“, broj 39/14, 59/22 i 50/24), odlučeno je kao u dispozitivu ove Odluke.

Nadalje, Opštinski načelnik u postupku ocjene nije našao razloge, niti nepravilnosti u radu Komisije koji bi eventualno bili osnov za neprihvatanje preporuke Komisije, te je odlučeno kao u dispozitivu.

**Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi putem ugovornog organa, najkasnije u roku od 10 (deset) dana od dana prijema iste, shodno članu 101. Zakona.

Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona. Žalba se podnosi u dovoljnom broju primjeraka, a koji ne može biti manji od 3 (tri).

Dokaz o plaćenju naknade za pokretanje žalbenog postupka u iznosu propisanim članom 108. ovog zakona, na osnovu kojeg se može nesumnjivo utvrditi da je transakcija izvršena, obavezno se dostavlja ugovornom organu u roku za izjavljivanje žalbe.



Prilog: Zapisnik o pregledu i ocjeni ponuda  
broj: 10/E-11-5428/24-2 od 25.10.2024.godine

**Dostaviti:**

1. „SOFTNET“ d.o.o. Sarajevo, ulica Fra Anđela Zvizdovića broj 1,71000 Sarajevo
2. „LOGOSOFT“ d.o.o. Sarajevo, ulica Grbavička broj 4, 71000 Sarajevo
2. „BH TELECOM“ d.d. Sarajevo, ulica Zmaja od Bosne broj 88, 71000 Sarajevo
3. Kabinetu općinskog načelnika – Odsjeku za javne nabavke
4. Kabinetu općinskog načelnika – Odsjeku za informatiku
5. Službi za finansije
6. U spis

